

内江縣志

昆明志 191


76799

1-14

40280.149

39

245-14



修內江縣志序

郎官握下軍之符扼輿圖控山川按
籍課戶與義主為旌善懲惡以為

至天子保障一方無事相與休養生息於
純熙有事率子弟捍蔽疆圉守圉相助
敵愾奏功眾志成城一敵國莫敢
侮之者誰古往來實讓焉願者守者為
者以容生理措之裕如否則叢脞多乖

序

瞻前徇後惶惶乎憧擾乎上下罔所依
賴矣不有賢者其何以善厥職吾中川
面山負河人文蔚起而當東道之衝射
蓋往來商民輻輳井里瘠澆五方雜處
尤為易動難靜甲寅歲宛平

張侯蒲村先生來涪莅土之六年施惠勸
政廢去畢舉遠川東北隅邪慝煽惑
小民蹂躪地方一時軍事旁午羽檄交

馳輓輸洛澤不弛矣 侯能相構應
受上不廢公下不病民隣封刁斗相
守禦不遑 侯與民相安於多事而尤
能披尋舊籍考覈文獻與邑賢士大夫
等為修志之舉取邑順治辛丑進士楊
以棧家藏中川卷志創自明末邑令首
山雷公而采及鏤梓者距今蓋百有七十
載輾轉播越其稿幾至廢殘更為刪

序

二

修纂輯而潤色之志成屬序於余時
其所守所為可量哉余長系師十載
以憂回籍徑三千年年平昔既未得追
隨賢士大夫後相與蒐討廢墜共期不
朽茲役也又復應省垣 諸大憲聘主
錦江講席羈遊異地益事崇重臘焉
心滋愧矣竊念志為古史之修實與史異
自班固而下所傳不一大約準法鄭樵通

志馬端臨文獻通考變而出之得其體
要不肯史義况拯時救弊各者當先
振策叢梅間不容髮固我疆圉保我
民人所以生以長以振以翼以發其忠孝節
烈之心革其浮華頑惰之習所謂挈領
提綱清源培本以佐一朝鴻休毋貽我
桑梓井里憂者惟茲事是賴後之嗟
者低細俯仰穆世想見古豪傑之士躬

序

三

行特立其流風特款長留宇宙向者至
於愈久而愈新如斯志者豈僅曰史餘
云乎哉為之弁言者足至於山川道
塗之廣狹郡國人民之增減紀綱風俗
之上下則前賢士大夫述之詳考之確
矣若不類時嘉慶四年己未仲夏之

吉也

賜進士出身奉直大夫禮部主事前翰

林院庶吉士邑人姜錫嘏撰



序

四

續修縣志序

光緒癸未秋漢安續志告竣考志源流之所之成亦在
明萬歷癸未春季客有問於余曰明白宏治壬戌而
上千百年文獻闕如固宜史高諸賢之輯而新之也
國朝邑志川由楊而喻而王加以談劉王黃諸先達踵
事增修鉅典鴻文不遺不濫更久燦然大備矣續奚
為者余曰子亦聞志志者風世之思乎抑知志以志
事實以志時乎至補偏詳畧稽舊章摭近事則又續
之說也吾邑為省要衝其劇埒於郡其聲名文物亦

特重一時自吾謨菴師辛未纂修而後迄今又一星
周矣中間山川土田職官科第孝子忠臣義夫節婦
與夫倉儲建置 恩慶人文耆舊藝文之類在在皆
宜亟增而吾謂志之尤宜揚厲者莫如 制憲丁裁
撤夫馬公局一事考局創始嘉慶其初小民輸錢供
役歲計猶無幾耳乃積久弊滋役煩賦重竟由十而
百而千而萬迄咸豐中歲征至六七萬緡而用猶不
足一時富而饗要而譎者又半寅緣而 出納以自
肥而奸豪起而相尤括其私而思要奪之又不得

止甚且憤而爭爭而訟雖星霜遞更公私交困猶囂囂然耽耽然纏構而無終極者蓋不知凡幾矣吁局之害可勝言哉自丙子裁撤以還遂默然如重陰洞日萬象更新又得陸諸賢侯遵而由之與民更始而閭閻怡欣欣各安耕鑿焉而士習始彬彬各循禮讓焉苟不志事以遏其流志時以要諸久將上之休養生息乎斯民與民之獲被生成者幾不知何自也烏乎可至於坤維正氣忠孝完人鄒魯章縫洛社儒碩緇衣之好甘棠之遺錫類菁莪之盛扼要搗藻之

奇其事歷歷在目前其時赫赫猶前日又皆足光閭里耀日星為吾邑之元氣也使竟漠而置之何以繼往鏡來廉頑立懦留信史而風斯世哉客唯唯而退是役也 卽之徐侯以壬午來令實主其修 煥春趙侯繼美之而書之成則在吾師 蘅浦先生旋任之後蓋哀輯幾兩載其間焉固知謏固無文苟獲免乎續貂焉幸矣至謂附前賢而著述之則吾豈敢

內江縣志

目錄

卷之首

序

修志姓氏

凡例

原修姓氏

原序跋

卷之一

星野

圖考

建置沿革

疆域 附形勢

內江縣志

卷之首

目錄

山川

城池 附市鎮津梁

公署

祠廟

寺觀

古蹟

坊表

風俗

卷之二

戶口

田賦 附領支雜稅水利倉儲物產鹽茶徭役蠲

政

學校

職官

名宦

兵防

附驛遞

卷之三

選舉

進士 舉人

武科

卷之四

成均 附應例

卷之五

宦達 附冢墓

封廕

卷之六

人文上册

卷之七

內江縣志

卷之首

目錄

二

人文下册

忠義

孝友

隱逸

高義

行誼

卷之八

列女

卷之九

耆壽

流寓

方技

仙釋

卷之十

藝文一册

卷之十一

藝文二册

卷之十二

藝文三册

卷之十三

藝文四册

卷之十四

藝文五册

祥異

內江縣志

卷之首

目錄

三

卷之十五

外紀

右并首共十六卷

邑人楊棫藏志序

順治辛丑進士

中川舊志家藏久矣其書創自邑侯首山雷公而纂訂修飾則先大夫中憲公夢東高與... 肅諸先輩之力也于古志所載缺者補之畧者詳之繁者刪之簡者潤色之凡邑中山川土田官職人物科名甲第孝子忠臣義夫節婦下逮昆蟲草木鉅無不彰細無不備華而不縟質而有文誠彬彬乎一方之信史也當告竣時雷公於在事諸人各授其一此余家舊志所由藏也厥後先大夫宦游四方值明末甲申乙酉之間

內江縣志

卷之首

原序

間矣遭禍亂桑海陸沉景物秀麗一變而爲荒蕪家園故跡杳乎其不可復覩矣先大夫心切憂之旣而曰幸有舊志之存吾見家園而不得見此志如見家園焉典籍彰彰後有作者可得而續也命予藏之且訓曰吾邑文獻所係汝其守之勿失予唯唯辛丑余濫提南宮後嘗欲付諸剞劂以傳不朽奈有志而未逮數十年來每展卷鬱鬱丁酉夏同... 四園喻君以巳卯孝廉宰六合與三兒化光先後同受知於武強益侯劉公門下因子萍寄金陵一江咫尺嘗枉顧遂

得晤其封翁化一先生坐閒談中川舊志一書亟
欲借觀其志殷然蓋不第一覽已也將欲梓以行世
焉予私心自喜藏之久而不能公諸世者今得所託
矣遂命兒輩繕寫以寄先生則舊本既不失而登諸
梓者且垂無窮也雖然藏之者私傳之者公志可公
而不可私將來吾邑人士得按籍而稽某某土田某
某人物甲第雲蒸科名霞舉前之豎芳型而表儀範
者如此其衆則皆化一先生之功也予何有焉獨可
慨者予中川人也蜀水吳山相距萬里年過大耋匏

內江縣志

卷之首

原序

二

繫他鄉故國風期徒形夢寐况當

聖天子仁漸義摩淪肌浹髓吾邑駸駸復古而予以衰老
會不得故土而棲焉覩斯志也有不禁愴然者矣語
云年老思故鄉其此之謂夫時

康熙五十有八年歲次己亥六月立秋後一日

明邑令雷應乾序

進士江陵人

余視事中川之三年不敢以文飾然六各舉矣乃竊
謂中川故有志也考舊聞而亡其半此何以故則蘭
亂所爲也謀之薦紳宜綴之綴之不足則增之增之

而二百七十年文獻如列眉也。黃李徐諸公始之
兩蕭馬楊四孝廉修飾之。始於端月竣於仲春。以屬
序於余。曰：非令不及此也。古之聞人入其地。山川賦而
草木諳。名人物攸舉。而地喜可知也。余謝否。否。騶衍
談天九州之外。猶錄海隅。酈元註水九州之內。不遺
尋尺。彼豈必至其地哉。安有視事之三年。日習其山
川草木人物而不知也。蓋志事實志時也。中川漸非
古矣。父老大人雖靜篤雅游。其風穆如而不盡然也。
三年於茲。去其舊而謀其新。曼曼乎難之。安得日卧

內江縣志

卷之首

原序

三

而治之有餘哉。雖然中夫豈能爲時也。往者天下無
事。兵革不作。農耕女織。出所有以貢。歲額窮鄉之民
且有三年不見令者。訟獄簡稀。令得嘯歌自適當。是
時文學鄒魯。退讓修謹。奉守法度。而盜賊屏息。錐刀
垂道者。莫拾令於此。何其愉快。勝任自遼。左用兵。藺
事。卽繼歲歲調發。無虛日。錢谷一事。司農借籌。方州
轉餉。雖深仁厚澤。覆育有加。而歲例稍增。征輸差苦。
藁爾中乾。載咏勞心。鴻雁碩鼠。賢者咏之。而泣然矣。
訟獄浸興。風俗漸薄。雖庠序之地。踴躍泛駕者。間亦

有之令於此其何以堪雖然能不撫字而鞭笞乎能不教化而煅鍊乎能不賦葛屨咏白茅而聽其淫侈乎能泄泄焉而不星出星入以隨其後乎時之難可知矣乃余固爲中川言時非爲令言時也中川令三年一時客乎時者也令視中川數十年一時主乎時者也客乎時者膏雨加時物益而不及乎霜降水涸主乎時者風日過河日損而可按乎星宿陽紆然謂土田風俗山川人物之不古可耳忠孝節烈文章道德之志不同於古奚可哉茲役也大書特書寧過而

內江縣志

卷之首

原序

四

存之無過而廢之凡以堅志焉耳今天下多事朝廷咨警方殷以百雉城謀野鳩事豈有當乎時務乃使一邑之末二百七十年文獻如列眉也其以對越古昔靖揚盛世有餘焉矣後之官斯者俯仰此志通其變存其故上下二百年間寬猛張弛匠心而運此志其告之矣若夫力挽晚季復於正始則兩文肅作之於前文獻彬彬起而徵之秩如也吾鄉楚嶴先生曰教之淑人也邇風之及人也遠人以成政政以成俗三復斯言爽然自失後之人其吾師乎是於志思過

半矣時崇禎五年二月清明日

明成都府尹耿定力序

進士楚黃人

內江在西蜀疆里賦稅僅當中邑乃其著名宇內則以邑多聞人余童子受書父兄命讀趙文肅公制藝稍長聞其風節議論忻忻塵嚮往焉已而師事克齋何先生友其邑之二三賢者益習聞所未聞今年承乏守成都內江其屬邑也入境延見吏民間所疾苦遍謁賢士大夫拜文肅公墓下低徊久之東西行百里百里內家弦誦而戶詩書薦紳先生多以節行文

內江縣志

卷之首

原序

五

章政事顯而隱者亦甘恬澹守寂寞有古處士風焉喟然嘆曰何其多賢也其孔子魯無君子斯焉取斯之謂與夫孔子居魯郡章甫縫掖士雅歌弦誦足以範世覺俗乃假魯史作春秋何謂也教之淑人也邇風之及人也遠定褒貶明善惡使百世下聞其人赧然熱懍然奮正所以潛啟其是非羞惡之良而默然引以遷善改過之路風之謂也邑自國初垂二百餘年志未脩滇南史廷徵來令以文學飾吏治逾二年請於邑之長老先生蒐羅往跡再閱月而志成會余

至觀厥成見其職官人物考賢者大書特書不啻甘
棠之思緇衣之好而泯泯者徒存姓氏蓋庶幾哉春
秋實錄云志志者其有風世之思與嗟嗟慈孫孝子
莫不褒先世而或身爲溝壑蕘夫牧兒見匪人莫不
含譏而或自甘唾罵則以風之未善而志之未定也
記載往事曰志力追古人者亦曰志茲志也百世而
下猶將定人志乎史令請曰疆理賦稅沿革廢興志
咸脩矣司牧者可以觀焉是皆可略與余笑曰女得
人焉爾乎人以成政政以成俗裕如矣武城爲魯下

內江縣志

卷之首

原序

六

邑至今名垂不朽豈非以人哉是余與子大夫所共
圖者也今日唯唯爰次其語以爲序時萬歷十一年
癸未夏六月辛酉

明邑令史旌賢序

進士滇南人

歲癸未餘閏于春宜載筆之興越暮春色新志成蓋
洪治壬戌而上千百年闕畧之文由壬戌以來八十
年之所未竟屬不佞賢出牧之二年先是縉紳先生
數數言志廢狀尋就故丞相書樓拓而新之爲專局
迎太湖高公方伯據賓席處其中主盟焉而相與校

纂則遴所博洽士四人凡再閱月事竣稍稍卒業哀
然信史也倘不謂文獻相待而有成乎序曰夫吏人
者有先事焉奚以明經制樹風猷也而可無志與邑
於蜀爲望縣其劇埒於郡其秀鍾於人固握綬者所
逡巡觀風者所賞鑒而鉅公名翰弔古懷賢者所必
咏而頌焉者也而可無志與曩蜀有總志頗爲大方
所稱述乃其樹軌坤維流輝井絡馳譽吟壇立幟之
間者邑之勝幾劃其半矧尤所專而切者可無志與
不佞未暇遠引往事挽舟東來濟錦江聖水之澤極

內江縣志

卷之首

原序

七

朝暉晚翠之觀可謂勝徵於地矣已而求所以事且
友者則鄒魯章縫洛社儒碩宇內屈指不一二數可
不謂有人乎已而履畝問俗考鏡芳軌則林壑閨壺
之流旂常竹帛之彥並駕而馳可不謂表樹乎又已
而探竒茹藻覽精蘊作述之餘洋洋乎大雅焉彼草
元題柱者波而淫矣可不謂藝乎於戲志之宜矣且
也經制明則撓法者沮風猷樹則勵行者羣而趨豈
直吏人者所先事亦重有榮藉哉是舉也得之舊刻
者什一矧於編裁者什九蓋方伯公沉毅淵邃好修

博古良史才也其功當與志相終始云四人者佐卿
鳴濤二逸俊憲甫子育二茂才均稱博洽而勤事者
如一時縉紳文行之士或里居而力贊體裁或宦遊
而夙與規畫詳見採輯姓氏中不贅時萬歷十一年
癸未仲夏吉

明邑人高察序 進士歷布政

昔鄭漁仲曰志之大原起於爾雅司馬遷曰書班固
曰志蔡邕曰意華嶠曰典張勃曰錄何法盛曰說餘
史并承班固謂之志皆詳於浮言略於事實不足以

內江縣志

卷之首

原序

八

盡爾雅之義則志之難修史者病之矣今一統有志
各省郡有志志云備而邑乘似可畧也顧故事所載
一統僅得什三省得什五郡得什六止矣而紀事詳
核卒于邑乘稽之則邑乘者省郡一統之積也余邑
志正統中嘗修之洪治中邑令胡侯里中學憲吳公
再修之今八十餘禩矣先輩劉文肅高司徒趙文肅
馬武陵李文學諸公或舊本有所批評或家塾私有
紀錄皆不果成書以故故實靡究往跡日湮卽欲綱
紀庶務尙友先哲而披覽無據其於嗣往鏡來之義

闕如也矧邑甲川西地當孔道人文所窟宅冠蓋所
輻輳任其漫漶遺佚而不治士大夫天與守土者交有
責焉南中史侯廷徵涖治之明年政教旁通銳情文
獻謂余山居多暇屬以編校之役已乃延文學數輩
開局分曹駢羅載籍咨訪父老質勘同異復移書薦
紳先生諸長者咸罄所睹記書諸冊以詔余乃不揣
蕪陋挈領振目稍爲銓次爲卷者八爲綱者四爲目
二十八始於癸未仲春辛亥迄三月壬辰凡四十日
告成謹撰小序於篇曰提封百里愷澤易流山谷隔

內江縣志

卷之首

原序

九

閔幽隱難周爰著圖說寓縣分裂道有得失迄於聖
代永作民極乃志建置圖窮神運方輿氣升一隅流
峙地緯天經乃志山川三峰巖嶮一水滌紆如螺如
帶獻秀逞奇乃志形勝千室之聚延袤百里跨蜀東
南柝爲唇齒乃志疆域先進匪野純儉吾從破觚斲
珣返於洪濛乃志風俗王公設險保障居先相彼巖
邑隱然重關乃志城池時恬化浹編齒滋蕃國脉攸
繫生道孔艱乃志戶口則壤有制徑竇紛紜辨方履
畝版籍載清乃志田賦勞心治人義重往役節以制

度期與休息乃志徃役山田燥壤引灌莫施陂堰瀦
溜旱魃攸資乃志水利阻山峭嶢不產珍竒菽粟絲
枲徧土是宜乃志方物明以理陽幽以理陰有其舉
之格此精禋乃志祀典民安道泰無事張皇慎固封
守亦備非常乃志兵防政令所出爰資棟宇問俗省
方星輶戾止乃志公署分職列事各有司存敢告師
牧作士勤民乃譜官職出宰百里恃我良吏事視已
成譽其有試乃傳名宦山明水秀棧樸菁莪經明行
修聖代網羅乃志選舉出則羽儀處重鄉評式表先

內江縣志

卷之首

原序

十

覺淑我後生乃傳人物忠腸天植大義夙敦以死勤
事媿彼二心乃表忠節百行之原萬事之紀懷此因
心高樹懿矩乃傳孝友白駒空谷碩人考槃古稱高
士立懦廉頑乃傳隱逸柏舟絕咏黃鵠興歌冰霜凜
凜力挽頽波乃傳烈女分猷展采爰賴臣工報隆所
自錫類恩宏乃列封典含靈孕采摘藻敷瓊陳詩觀
風考古鏡今乃述藝文徘徊適魯揮涕浮湘流風興
感懷古不忘乃述古蹟災祥類應變出不虞哲人明
炳先事消弭乃述時事寒山秋草夜室常扃佳氣日

夕想像芳型乃作邱墓緇黃蔽跂金碧盈衢惟元惟
寂覺夢醒迷乃志仙釋嗟嗟此其大較也而僕之私
旨則不在是夫政莫大於經時教莫重於宏化詎莫
嚴於稽古事莫要於宜民今之中川猶昔也語治道
略教化而尙刑威語民俗空杼柚而鮮藜藿語士習
先浮華而後本實語風俗崇侈靡而陋朴醇論道術
遺倫物而事游泱論人才索疵瑕而棄瑜瑾然則經
時以宏化稽古以宜民者將安取衷哉孟子曰君子
反經而已明道術正人心官師以此率之士民父兄

內江縣志

卷之首

原序

十一

以此先之子弟歛華就實去僞歸真人心正而學術
明教化行而風俗美是司牧者與賢士大夫之責也
卽志之修否無論也余鄙人也述故事以論次之耳
非敢竊附於載筆之林也然搜八十載里卷之遺酌
二百年疑信之典不敢詳浮言而略事實意在斯乎
意在斯乎拓其未備訂其未公尙俟後之君子萬歷
十一年三月之吉

明邑人吳玉序

進士歷副使

志之源流尙矣內江縣志我國朝永樂年已嘗纂修

彼時唐宋名人顯宦石刻范公華萼賦趙衛公神道碑之類尙存可錄以故考究精覈紀載詳明惜未版而無遺稿正統丁卯專琴席者雖經繼修舛謬差池濶略殊甚觀者病焉成化壬寅湖南陳公銓以名進士宰吾邑視篆之後卽欲踵成歲偶大荒政急先務公雅志雖有在而不暇及也繼而旱熄民甦政興教舉乃日本邑之志四十餘載未修實爲缺典豈容更緩乎爰聘掌教白先生璧謂玉邑人頗知始末相與稽考前編穡撫近事稿完未鉸梓公赴廷詔爲侍御

內江縣志

卷之首

原序

三

白有馬湖郡博之陞書途寢因循十載若將有待洪治庚申淮安胡公奎早領鄉薦雅重斯文合歷三霜廉如一日乃取前稿再加校讎兩越月而書成以余嘗職教事宜鑄辭以冠篇端粵昔唐杜子作北征詩無慮數百言韓子作南山詩無慮千餘言後人讀之酸鹹異好朱黃山谷評之曰論工巧則北征不及南山若書一代之事以與國風雅頌相表裏則北征不可無而南山不作未害也公論遂定由是觀之凡著作不關風教雖工無益今天下志書之作其凡例其

目錄其採取紀述大較相同原作者之意非無謂也
蓋欲人觀山川則思無負於降神觀學校則思以造
就人才觀風俗則思移易之俾還淳樸戶口貢賦何
以致其增而無減宮室壇壝何以保其成而無廢先
賢名宦古今人物思與之匹休忠臣烈士孝子順孫
思與之媲美凡產於斯宦於斯一一加之意則裨益
風教不既多乎雖然紀載固繁人才爲重一郡一邑
幸而宏材碩德產焉鹽梅鼎鼐舟楫巨川霖雨天下
則山川出色草木生輝而郡邑之名因之不朽矣不

內江縣志

卷之首

原序

三

幸而所產者異於是鼎覆公餗舟臭厥載民羅煥焚
則林慚無盡澗愧不歇而郡邑之名能無玷乎昔人
云干木隱而西河美李陵降而隴西慚又云姑蘇有
丁謂三吳之恥也臨川有安石荆楚之累也人材係
地里之輕重如此吾黨之士其務相與砥礪名節培
植風教柱石邦家期爲一邑山川人物增重而無貽
其羞若然庶乎陳公託始胡侯成終之意不孤而志
不徒作也是爲序宏治十五年壬戌十月朔

明邑令胡漢章序

鄉進士淮安人

古者諸侯之國各有史若晉之乘楚之檮杌魯之春秋之類是已周官所謂外史合四方之志其卽列國之史乎自秦罷封建置郡邑史亦從此廢矣後世天下始有志豈易言哉苟非博學洽聞者未易執筆且如一郡一邑志未修則事蹟無徵文獻不足粗俗鄙陋失之野而已若修而非人則採取弗確紀載迷公而淑慝顛倒反失之誣焉揆斯二者過猶不及然與其誣不若野之爲愈內邑之志歷歲久未修亦嘗修而未善宏治己酉前尹陳豸史致政吳憲副二先生

內江縣志

卷之首

原序

卣

皆博學洽聞故其修史採取紀載鑿鑿皆實筆削郁郁乎文至收載詩文制作又皆協騷雅中矩度關涉縣治裨益風教有非浮泛不切比也維時雖未梓行遺稿具在余承乏內江蒞任之初政務絲紛糜沸日昃不遑殫心竭力越一載餘逋賦漸完積訟漸決煩劇者漸清理公堂稍暇乃取前志閱之條分類析書法謹嚴耐自己酉至今十有四載中間戶口田賦之歲增科貢人才之輩出官僚瓜代節孝荐臻夙當繼錄於是再詢再續梓爲完書使吾儕與此邦人士觀

之各省厥躬勉助當務則官舉其職士精其業民德
歸厚其裨益不亦多乎繼自今同志君子尙期續其
所當書而更圖其所可盡者若是則內江一邑永爲
文獻之邦矣志凡六卷遂命匠氏之搽鐵筆者錄以
傳遠宏治十五年壬戌十一月

內江縣志

卷之首

原序

五

邑志跋

康熙二十五年邑令徐嘉霖重修內志時舊乘未出祇就通志蒐掇成編有成都尹佟世

雖暨徐侯序文今已殘缺莫可錄唯此跋尚完謹登之以彰文獻焉

楊

注邑人

夫志以紀實也不實不如其不紀也自下錄之由繁而就簡自上裁之因略以考詳無不實則無不傳矣甲申之變烈於秦燬吾邑舊志無存遍覽四方竟無所獲豈盡天運歟抑亦鼎革之勢使然也今於總志中蒐輯一二遺事亦可以知其忠厚之遺風矣或告予曰定亂以來四十餘年荒殘不起何志之為予曰不然凡山川易遷徙也城池易崩陷也宮室亭榭雕甍畫棟易蕪莽也生齒庶類易消耗也古寶法噐異授之圖錄各人之書畫易蕩散也惟吾邑歷代名卿碩輔賢人達士忠孝之性廉節之概醞釀涵濡以垂子孫所以植天經而扶人紀者自唐以來蓋千有餘歲矣此固獻賊么麼小醜矢刃之所不能傷水火之所不能害暴風勁氣之所不能易也況今

內江縣志

卷之首

原跋

去

皇仁如天憫念蜀苦休養倍於他省復蒙上臺殊恩至德加意愛養與我徐父母之極力招集撫綏則飲和食福遠無窮極吾邑之盛豈易量哉後之繼起者徒華

其躬美其食壯麗其居睹斯志而不勉勵以思續述
前美也非我類矣是爲跋文林郎陝西鞏昌府成縣
知縣邑人楊注謹跋

內江縣志

卷之首

原跋

七

續增原序

修世雖

天地鍾美以其形寄之山水而以其靈聚之于人物
山水奇秀則其生人也多超類而拔俗福大而施廣
醞釀發洩皆有必然而不可易者矣予領蜀首都數
載當前兵興時予憫念衝衢繁苦力請上臺大爲
蠲恤拮据卒瘁始延至今但思吾屬二十六邑惟內
江爲西道之極過此則蜀東南矣內江爲蜀名區人
文之盛天下共聞予聞內江自唐范崇凱奏賦第一
後科甲蟬聯過于諸郡及觀總志見明三百年內宴
瓊林者近二百人鄉薦者五百其六曹上卿與臺垣督
撫之秩濟濟中外指不勝屈可謂極盛矣且吾屬內
自明迄我

內江縣志

卷之首

續增原序

聖朝入閣秉政者十餘人惟我并研胡公暨明介夫楊公大
洲趙公稱爲賢相而內江大洲趙公節業尤著若諸
輩則大相逕庭矣予嘗慕其盛想望其山水欲少輟
簿書浪度居諸爲勝地遊命僕從持十日糧乘一小
輿問民疾苦外東望華萼之山羨崇凱伯仲當時豪
舉今猶有人焉輟耕而太息者乎南則訪濯侍郎讀

書臺遺跡其薄蝕于風雨者幾何也返而西三峯聳
然天表趙相國之墓或在焉予酬酒擊鼓以弔之北
渡玉溪仙人三丰之丹竈尚有存焉否耶繕之數年
竟以首郡煩劇不果行良足悵嘆今年夏內江賈志
到署披閱之與余所聞合遂爽然如親歷其地矣但
內江舊志遭兵燹散佚不復存徐令訪輯甚苦大抵
紀載不過什之一二耳志成膽繕彙進

御覽剗剗有日請序於余余曰萬仞之山不可得而逾也
千尋之淵不可得而竭也山川靈異字內有數豈憂
內江縣志 卷之首 續增原序 二
或盡今試觀我

聖朝設科以來甫四十年問蜀西之登賢書有如內江之
十有四人者乎問蜀西之列春榜者有如內江之捷
三人者乎其衝途殘荒時所宜然而衰之終乃盛之
始也茲者仰沐

皇仁如天賜

學宮之扁額以振士氣蠲來歲之正賦以甦民生

元臣霜清百司永守則溱溱室家彬彬多士內邑之盛
展志合軌如持左券矣昔宋公祁出守成都每於宴

客之夕大開寢門垂簾執燭以修唐史予想慕其人而未逮然睹茲志而嘆矣前盛則振興修飭使斯民底於富庶康阜之盛窈有志焉豈因一時荒殘而遂付之無可如何也哉內之人士仰體

皇仁相與勉爲忠厚而恥浮薄也其在斯與至於察民隱均徭役勸農重穀抑梗安良不避勞苦以振頽起困此固徐令今日之善政足以繼前式後而大慰予之心者予益深所望矣是以序之

大清康熙二十五年歲次丙寅中憲大夫知四川成都府

內江縣志

卷之首

續增原序

三

事三韓佟世雠題

內江小西街樹德齋
梓人徐炳蘭刊刻

重修內江縣志序

邑志者志一邑之事所以維風化而彰名盛者也而求其彙有完書不泛不遺非得賢司牧操移風易俗之權兼三長而指授其間則雖一邑之大經數十百年之久而厥功弗成

邑侯蒲邨先生之來涖吾內也甫下車即詢民疾苦虞風化之漸非而名盛之不著爰訪求遺志嘉意增修既以公役不遑遷延四載迄乎再涖茲土而事甚難矣歲歉民貧軍書旁午都人士且譁然靡有旦夕之

序

圖而賊氛是惕 侯則持以靜鎮撫以仁慈均徭役

嚴保甲增城堞鑄鎗炮民知侯之覆翼已足恃以無恐也不數月而衆志救寧去冬十一月 侯於公會道及邑乘意唯纂續成書不欲以重役勞人也乃

侯之德感人深而吾邑好古有識之士亦決然知此役之必克有成而不為浮言阻羣勦其事以待政於侯而付刊於梓氏於是邑數千年之文獻百七十載之遺書一旦觀厥成而予得爭先而觀其盛嗟嗟予年老矣向者得舊志於河東族人嘗取而手錄既問中

丞之裔孫自川西來省祖墓所携一卷亦若合符私
心鬱鬱每冀遭逢賢令尹雅意作興使予得追陪分
校之林附名青簡以歲厥志而

殊恩晚荷歲月蹉跎迴憶三十年來沐教如長洲韓侯寧
夏李侯皆興言纂輯光茲舊乘事與願違終以未就
今予年八十有二自分旦暮捐廬舍不復得見是書
之成矣何幸 賢侯德教沾丐無窮俾予垂暮之年
得遂生平之願其維持風化表彰名盛進庸愚旦夕
苟且之謀而為禮樂百年之計高風盛德直超越前

序

二

代陳胡史雷諸君子而長著乎華萼之巔聖水之渚
予之來城也館志局中希仲渭甫二孝廉舊從予遊
殷然謂子曰先生曷可無言予為述曩志幸及見厥
成感 侯之德於不衰至茲志之原委增刪備見志
中不贅時嘉慶己未七月

欽賜內閣中書前庚子科鄉進士邑人王者瑞撰



纂修內江縣志序

惟今

天子御極之四年六月朔日漢安邑志告成於是薦紳之士十有二人執簡而丐言于予曰邑乘之成非侯惠不及此侯不容無言予曰是予之願也然予始念不及此也志之流傳原委備載前序中予不文不贅述謹註茲役肇修歲月以誌幸焉先是邑有康熙初刊志二冊簡畧不足觀邑爲省衝故稱名盛凡憲旌上下及僚友賓客過境接見之餘每詢及邑乘

序

一

予愧無以對既問之門下士王子果得明志抄本六卷文獻較詳而備古遺今兼多亥豕又不能無憾嘗欲親加讎校編續成書而事會輒違自甲寅蒞任以來于茲六年矣中間奔馳臧役代庖崇寧四載勞形神交瘁昨春奉檄東旋又值軍書旁午歲歉民貧司牧者方簡書鞅掌之不遑何暇及文史哉偶與邑人士道及纂修一事而重虞其難諸薦紳欣然屬予曰是吾輩事不役及平民也侯董其成敢不從事予用是徇其請設局分曹發科牘訪貞良父老遺文兼

收並採予爲披閱陸續付刊肇役于去冬十一月訖
今五月而鐫板成計爲卷十六爲目者三十二不沉
于古不遺于今亶然信史也予惟茲邑千數百年文
獻明季之變一綫寒編珠藏萬里我

朝奠鼎神京歷八十年而遺稿始復又八十年而後續
有成書毋乃茲邑山川之靈忠義名賢之精爽有以
默爲佑啟於其間乎自茲以往都人士覩遺編懷芳
躅士奮詩書農安畝畝懲華息訟共飭廉隅則斯志
之修誠非小補是固予之厚幸亦斯邑所共幸者歟

序

二

嘉慶己未季夏上浣

文林郎知內江縣事宛平張摺笏齋氏書於署西長春草堂



續脩內江邑志序
中川居全蜀之樞山
甲于他郡觀風者贊
者低迴自昔然矣余
蜀繼呂幕游每道出
文峰聖水之奇羨華
之蹟未嘗不留連車
淹游而弗暇也嗣余
以末職擬

序

從我策勲晉秩恭膺
簡命綰綬專城自乙
呂宋三率于此矣自
學薄製錦懷虞而父
咸安余之拙時與一
之士討尋文獻取色
詳之因喟然曰中川
盛也斯志其啟之矣
言鍾馗

則山依水依然也語儀型則前
賢具在也孝友不遺乎黎庶
幽貞必著乎閭媛允足召厚
人之心而培風俗也余不文觀
前之廟此土治此民敷教養
而遺棠慶者皆前事之師也
不益得所遵循乎惟志板雖
孝書無留貯大憲之取賓

序

一

二

密之求百有應焉爰屬同志
增印多書其自巳未至今中
間科第人文二設時事悉依
門編附呂成全史而前本間
有舛訛并校正而改刊之繼
自今傳盛章美視諸往復相
得益光矣念余少隨父兄宦
居蜀土稽山越水反侶密游

不獲與梓里文人詞場徵逐
而從事于薄書錢穀之中竊
祿于戎馬空徇之際一官鹿
歷幸值名區追憶舊游恍符
夙夢乃士庶暝余相安無事
而得與好古之士講求風化
譽髦菁莪俾後之人撫茲編
而知中川士習民風之淳以

序

三


余之拙猶藉手竄尤焉則十
倍余者益臻上理矣豈第表
揚山川人物之盛事業文章
之美謂足為大邑之休哉嘉
慶十二歲次丁卯孟夏中
浣授文林郎知內江縣事稽
勅徐豐芭東氏顯于署西之

坐業亭



坐業亭

坐業亭



序

四



續修內江縣志序

余於丙戌八月奉

命來莅中川中川古內水地田肥美土膏腴水帶遶山螺
旋宜乎生其地者多鍾毓之奇享樂利之福也比年
差賦少煩漸滋勞費余下車與民謀更始除其陋省
其繁計一歲可減徭役之耗數千非以市德也次年
仲春令徵正供不彌月如額全輸官不事催科民亦
不事催科也慕義如是其性然耶亦先民之成憲是
守耶暇日攷其志乘乃見文章道德之華忠孝節義

序

之美代不絕書信乎訓行有自而浸淫於禮教信義
之遺者深矣夏五前進士武定府太守王退齋先生
謁余謂邑志不修垂二十年請因吾力成之余曰其
事則前志中如山川土田科第職官忠臣孝子節婦
義夫極之昆蟲草木言之特詳其文則守土如雷史
耿胡之纂修鄉賢如高吳王楊之序述皆炳炳烺烺
輝煌焜耀余不敏何敢自效續貂貽羞大雅退齋曰
中川百里地耳

聖天子厚澤深仁重熙累洽今雖科名不必如舊而一二

忠義節烈猶足繼美前徽不得良有司表而彰之登
諸志乘懼將來湮沒也余避之即延退齋主壇盟而
以張子喬峰劉子湓江周子尚如王子雲阿等襄其
事採訪確實據事直書公餘輒取而校核之閱今六
月稿成付之剞劂氏矣退齋諸君責余一言夫余非
敢以文示也竊有說焉邑之志猶國之史也史善惡
必書志則言美不言惡豈以誇示後人哉天地間有
教化而後有人心有人心而後有風俗忠孝節義正
人心之厚風俗之淳我

序

二

國家教化所徵也即其所志思所不忘好善惡惡之心
不油然而生乎居是邦者因吾言而益勵焉庶幾數典
不忘有以固人心敦風俗服疇食德無負此名勝之
區哉時道光丁亥新秋上浣

文林郎知內江縣事桐城張元澧雪蕉氏題於署西
之長春草堂

內江縣志要序

道光甲午季春六泉子輯中川志要成客有過盤峪之居者異而問焉曰志何爲云要也余曰挈其綱而汰其靡聯以貫而俾無遺焉耳客曰厥旨允矣其詳可得聞歟余曰茲志源流遠矣明崇禎初裒輯未刊旋遭板蕩楊愛竹觀察篋之而南 國朝定鼎歷八十年而始復中間由楊而喻由喻而王沉埋高閣者又八十年始有嘉慶己未之修時主修者爲余師蒲村先生因得與劉談諸孝廉同心纂續焉越丁卯稽山徐公來令以余曾董校職又屬續增葺

內江縣志要

卷之一

序

一

十年之中兩從斯役矣居常脉脉每念志體拘于常格繁衍多而位置失宜思參酌古志以稍稍見異浮宦奔馳因以未遂今明府君雪蕉先生來蒞以時逾廿載爰命續修僻在山居未親讐校先生序俛推余主盟實隻字弗與也續編參錯插增殊乖整肅先生病之每公見必以爲言且促余更輯適邑中有重建學宮之役領局諸子亦卽以志役屬余此邑志之修所以三經余手也竊惟志者史之餘不濫不遺斯爲傳信操筆者苟以文字媚人則全書皆穢矣余子此志兢兢加輯無索米之嫌無投桃之報仰維常

道將張唐英之直樸參酌康對山王漢陂武功朝義兩志而折衷于王盧氏巴志之體裁悉發羣書更加搜核以十地人民政事文獻分部其目各以類從如網有綱如珠有貫綱舉目張則無踈冗之虞貫纍珠聯于以瑕疵畢棄庶幾哉以土地志土地土地亘古亘今矣以人民志人民人民可鑒可傳矣以政事志政事政事有因有革矣以文獻志文獻文獻之近之遠矣志其志其要立焉於我固兩無所與哉庸以副明府君之清屬諸同人之贊襄差有當乎客唯唯雍容而辭退盤峪山人王果六泉甫序時年七十

續修內江縣志序

今

國家二百十有四載德茂存乎七世湛恩汪濊綏我士民司牧者奉

天子命宣化承流樹之風聲非有實政實心其何以稱厥職乙卯六月余來莅中川於茲四年矣簿書鞅掌日昃不遑夙夜捫心力求無愧公餘披覽志乘千數百年間文物聲名彬彬極盛間嘗北登花萼西陟文峰東挹芙蓉之亭南過韓楊之會慕景星棲雲之學探

序

梧山桂湖之奇訪書樓花臺之勝父老往往稱唐范金卿宋趙莊叔溫叔楊中丞元黃楚望明趙文肅李康和高司徒何副憲諸人之遺事其流風餘韻光昭簡策愈久而愈新後之人景仰前徽聞風興起安知今必異於古所云耶惟是內志之修自道光丁亥迄今越三十二稔中間祠祀修建職官選舉 恩慶仕宦人文耆年忠義節孝藝文之類在在宜增亟圖續編以存文獻乃者粵匪跳梁軍書旁午挽輸絡繹歲歉民貧去冬邑中羣小不逞絲棼糜沸撫字勞勞邑

乘之修有志未逮今幸魚夢豐年而鴻集中澤矣謀
諸搢紳興言纂輯爰聘掌教花萼書院樂山先生續
纂并遊二三博洽之士細加校讎而潤色之攷古鏡
今不遺不濫六閱月而書成因屬序於余曰非侯之
力不及此庸丐一言余竊維

盛世之政莫先於愛民親民之官莫要於縣令令以君事
為已事而民安矣令以民心為已心而民益安矣余
承乏茲邦兢兢焉思以稱厥職凜凜焉求無愧於心
而父老軍民亦咸安余之拙因得與搢紳先生討尋

序

文獻以彰一邑聲名文物之休繼自今希蹤唐宋踵
盛元明行見道德文章忠孝節烈之志增輝竹素而
照耀汗青斯志其前事之師矣後之君子體我

朝棧樸作人之雅化溥內邑甘棠芡黍之仁風其必有宣
上恩德以與士民共樂者是余之望也夫是余之望也夫

時

咸豐八年歲次戊午九月朔日

誥授奉直大夫知內江縣事桂林許延祐受之撰

續修內江縣志序

將欲治一邑之民必先知一邑之事欲知一邑之事必先取一邑之志而攷其山川按其圖記以為興利除弊率由之準予來承乏斯邑而續修之志適成主其政者為邑明經黃樂山先生樂山固花萼書院主講殫見洽聞學有本元又得士林中之淵博者相與參贊於其間六閱月而告竣郁乎文哉經國之大業不朽之盛事蓋可於斯志見之矣然此姑不具論予喜得斯志觀之某山可耕未可聽其荒蕪不治也某

序

水可溉未可聽其壅塞不疏也某園林可蓄樹未可聽其土不毛而棄之如遺也祀典何為有舉廢學校何為有盛衰風俗何為有淳漓凡可以因革損益者皆宜通其便而與民謀之此固為宰者之責而又不可師心自用則是斯志也豈非宰斯邑者之舊章也乎且予益有望焉士食舊德之名氏思與唐范金卿宋趙莊叔溫叔楊中丞元黃楚望明趙文肅李康和高司徒何副憲諸公後先輝映農服先疇之畝畝深耕易耨壯者以暇日修其孝弟忠信入以事其父兄

出以事其長上工用高曾之規矩勿作淫巧勿舍業
以嬉而與游手之民無異商循族世之所鬻懋遷有
無以賤丈夫為恥不私龍斷熙熙然交易而退各得
其所一邑之中路不拾遺野多滯穗獻酬交錯俎豆
莘莘下舞上歌蹈德咏仁於以仰副

聖天子保民至意及司牧者奉

命宣化承流勉為循良之心夫豈徒北峙花萼西聳文峰
東有芙蓉之亭南具韓楊之會探景星樓雲之勝訪
梧山桂湖之奇夸書樓花臺之異謂足潤色乎簡編

序

二

也哉又豈徒土地之膏腴物產之滋豐科名之繼續
藝文之富麗謂足照耀乎卷軸也哉雖然斯志之成
也蓋前任許君名延祐之力予至此而獲聿觀厥成
焉邑紳士復屬予為之序予惟以心所欲盡之責與
所望於斯邑之士民者而筆之於書時

咸豐八年歲次戊午九月既望

署資州直隸州內江縣事古滇羅廷權鑑平氏撰



續修內江縣志序

志之所繫巨矣哉無董狐之直而漫操月旦陳壽所以爲諛也非班馬之才而謬托春秋魏收所以爲穢也蜀居井絡神所會昌天險關於五丁地靈鍾於四子晉常璩有華陽志趙清獻有成都記宋子京有益部圖讚楊升菴有全蜀藝文要皆原原本本炳炳麟麟學識兼乎三長游夏難爲一語載牒之繁實乎富哉漢安蜀東南一稊耳然其屏山聳翠聖水通靈冠蓋之族鱗興仄巷之英磨至五肉七菜問俗卓有古者前人悉已志之矣顧以胸臆屢更平頗頓異浮雲蒼狗每嗟時事之非劫火紅羊易啟傳聞之誤不資著述誰牖來茲抑此猶其淺也夫人當龍蛇起陸之秋有蝸蟻沸羹之懼而能堅持勁節獨表貞韃捐火宅之貪嗔鑿凶門而赴險甚至蒔屋編氓蘭閨弱質生也有漉死豈不痛亦復蓮出污而不染檀經蕪以彌香雖忠孝原於性生虛聲非所預計然而駿因骨貴豹以皮留若竟聽其珠沉不爲加之金揀將使鬱

單越國莫追取義之踪紂厥陰天常有煩寃之鬼旣
斯文之有闕亦步武之無從此余所以急急於補志
而尤重於節烈之採也孝廉謨菴先生以蘭省之清
才習梓鄉之故事胸中左癖不愧史家皮裏陽秋無
慚直道爰羅致而主修焉事未竣而余以受代將行
乃勗孝廉等而告之曰慎之哉勿取諛墓之金勿索
立傳之米公非公是下筆勿忘南軒傳信傳疑紀實
勿慙有道至如東海孝婦北宮嬰兒僻處華門尤須
蒐訪庶幾造浮圖之七級度及九幽懸呂覽以千金
難移一字此則余所以厚望也夫
同治九年庚午孟夏上浣

署內江事卽補州正堂仲薌張兆蘭撰

續修縣志序

漢安華萼受聘課徒有年矣己巳秋辭聘家居邑侯張仲薌先生來蒞茲土時值滇匪肅清

皇太后頒詔採訪節義以隆旌卹之典 督憲札飭採訪增修縣志設局南關聘予主稿予自知學識謏陋堅辭不允庚午春三月赴局薪水一切無欸可籌公乃捐廉支給予與二三同人稽考前編彙摭近事至五月初旬稿未完而公卸篆其事遂寢沈侯樸齋先生下車理煩治劇節儉勵行諄諄以縣志爲要屆冬奉

內江縣志

卷之首 序

札按捐協邑紳酌商除按畝派捐外每斗加派錢六十文補修城工餘錢六百餘串准作修志公費辛未仲春聘予續修不敢強辭因取前稿再加讐校約邑紳文學數輩分曹質勘挈領振目銓次鋟梓越數月而書成吾想修志與修史異修史則善惡並書寓褒貶以示懲勸有質有文非兼才學識三長不敢握筆春秋筆削後操觚家寒酸異好有不滋後人口實者鮮矣修志則言善不言惡據事直書質而無文倣聖人善善從長之意以備

聖朝之採取資繼起之紹聞而已所慮者採訪弗確耳採訪虛則是非謬其過在採訪採訪確而紀載逃公人或可欺難逃鬼責此予所爲凜凜寒心也蓋形勝人文科第職官顯而可徵附續亦無幾也至若忠孝節烈當羽檄交馳輾轉播越以死勤事以全名節正氣所鍾精光不滅坤維樹軌流輝井絡風化所關山川生色務要紳耆交薦輿論咸孚兢兢焉去僞存真駢羅載籍以答

聖天子表揚優渥之殊恩而張公託始沈侯成終之意庶內江縣志 卷之首 序 乎不負而志亦不徒續也已

同治十年梅月

邑人謨菴黃覺撰

漢安考

易鴻昭

漢安之名舊志考之詳矣然江安亦援漢安之名而金壇段氏志富順直欲改水經注以遷就江安之說竟將我內漢安抹殺非通論也按漢安舊隸犍為劉璋時分犍為為三郡上曰武陽今眉州彭山是下曰江陽今瀘州是常氏云江陽郡治江雒會屬縣四郡東四百里曰漢安土地雖迫山水特美好宜蠶桑鹽井魚池家有焉實指內邑而言常氏蜀人似親見內邑山水之美好故其言親切如此况漢安之名實始

內江縣志

卷一

三

於未分郡前耶但志當言郡東北不當言郡東四百里或中有衍文耶又按郡東四百里即抵巴郡而江安又在江陽之南近祇數十里間古江安在今納溪似亦不倫

又按升菴藝文資州碑目載有永建五年漢安修棧道記注明在內江芝蔴壩升菴之學不亦博於段氏耶水經注江水篇云洛水自洛縣故城南逕新都縣逕犍為之牛鞞縣又東逕資中縣又逕漢安縣北謂之綿水綿水出綿竹紫岩山至金堂界會德陽漢州之洛水至江陽縣方山下入江其時富順隸江陽故漢安縣與江陽接界而資

中與江陽中隔漢安段氏直欲改刪漢安縣北數字
以原其說緣有江安爲漢安之見橫胸故耳又以江
安無綿水則引堵水當之水經注本兩存漢安之名
故序內外江皆引之特詳段氏必欲削而一之過矣

內江縣志卷之首

凡例

一邑志古外史之遺上以備

朝廷之採訪下以資後世之紹聞紀載須詳於郡省各乘而傳信務期有據寧失之缺毋失之誣故是編根據舊乘依類附登以成完璧凡有見聞未確者謹遵闕如之訓

一郡縣志分門列類體製略同大約全部共分若干志或於志前作引或於志後立論實皆萃渙之義舊志

內江縣志

卷之首

凡例

雖分綱目而志前之引既多缺略志後之論亦未整齊茲仍酌仿通志例爲卷十六爲目三十二每志冠以小引原論可採者錄入志中其有名殊義類者統附某志不另撰引

一志內自圖說建置迄名宦等部與舊志略有增減而無更張惟選舉成均舊志將事約者附注名次殊失體裁茲爲摘出列入人文雖一字之褒不以間體

一人物一門舊志於唐宋元以朝代統序其在明世者分理學忠義師儒經濟等類共十餘門列傳旣多殊

難增附今參酌時代彙爲一志署曰人文仍於各傳後注明舊志列某某庶遺制猶存而新例益謹其纂附及增續者不入此格

一內邑歷朝宦達於蜀稱最舊志未立專門茲博採成編上自閣部下止簿丞共若干人已故者并查附邱墓庶邑士興繼盛之思餘遺佚尙多均容檢續

一志內增列名宦人文列女以維風化皆係紳耆公舉輿論咸孚付局查載未敢一概闡入

一忠義孝友隱逸他志各有專門茲仍其例惟事蹟已

內江縣志

卷之首

凡例

二

載入人文者僅臚姓氏於首以類附增詳見各志小引

一人文現存者不列藝文在生者不選所以杜請託嚴去取也其貞烈孝友

朝廷例有旌揚高義耆年

國慶時予褒獎苟制行之旣協自簡載以從寬此善善欲長之意不得以一例拘也

一寺觀叢林所以表一境山川之勝凡現在承糧焚獻者悉爲查載其廢入民田有名無刹雖舊志已登概

爲裁汰

一藝文蔚爲國華內邑文獻稱盛宋明碑碣鐫題難以
脩載爲選其尤雅暨有裨風教者按朝代彙登凡關
於邑事雖非邑人其文必載至邑人所作僅一二藝
不關邑事亦得載焉用楊升菴仿程篁墩新安文志
例也邑人若趙大洲劉五清張金沙楊澹淵父子各
存全集祇載十之二三用升菴仿呂成公文鑑例也
一內志 國初所纂缺略不足觀原志復自江南舊係
抄本歷年既久字舛篇殘校讎匪易兼以時移勢異

內江縣志

卷之首

凡例

三

繁縟宜除今與二三同人參互考訂務協準繩其有
義難強解者姑仍其舊至原志底稿并點竄草冊另
貯一匣附于藏板以俟後之續是編者

一邑志纂修甚難鋟梓尤不易今幸已觀成印刷畢潔
板藏於聖廟四祠着看守嗣後續刷務公同請
板不得零星擅取以防損缺

原修姓氏 明永樂正統相繼纂修姓氏不可考洪治中邑令陳胡萬歷十一年邑令史崇禎五年邑令雷

先後續修并注于后

明陳銓 邑令入名宦傳

吳玉 副使有傳

白璧 邑教諭入名宦傳

胡奎 邑令入名宦傳

史旌賢 邑令入名宦傳

高察 布政使有傳

雷應乾 邑令江陵進士主修未列傳

楊所修 觀察有傳

高如松 府同知

黃似華 知府

李應魁 太常卿有傳

徐吉 月賓

蕭象成 通判

蕭希何 順之

馬士珍 仲韓

劉景綽 山陽令

陳黃裳 知州有傳

高應虛 含一

清 康熙乙丑舊志未出纂刊二册姓氏并列于此

內江縣志 卷之首

徐嘉霖 邑令入名宦傳

何思華 通判有傳

楊注 知縣

張世珩 貢生

黃瑛 知縣

楊四傑 貢生

張世珩

劉銘鼎

張親 貢生

黃瓊 貢生

高長春 貢生

張覲 貢生

王祚洪 貢生膺贈有傳

王琬 訓導

王炎 貢生膺贈

門琛

徐州牧

祝佑來 教授

祝天錫 舉人

楊一麟 貢生

楊一麒

陰紀世 知縣

張友曾 貢生

高昶

張世璣 貢生

潘士貴

金必達

何顯祖 知縣

黃以衮

劉瓚

尤之剛

唐廷謨

抄藏舊志姓氏

舊志即崇禎五年邑令雷首山暨楊澹淵諸人所輯康熙己亥楊孟宣于金陵

抄授喻化一子西園欲刊未果茂材王公望化一之壻西園宦卒志存王氏焉分抄四部各六卷嘉慶四年邑令張纂修增為十六册功不可沒並注其名

楊

棧

孟宣知縣有傳

楊化光

成萬孟宣子知縣抄傳

喻

治

化一膺封

喻洪林

西園知縣有傳

王賜履

公望琬子庠生

續抄

王賜晉

康侯庠生

王寬

監生

門

朱

貢生

內江縣志

卷之首

原修

二

新鏡捐助紳耆姓氏詳附志末

續修縣志姓氏

嘉慶己未年續修官紳

主修

知縣張 搢 字笏齋直隸宛平人 乾隆乙酉科舉人

同修

教諭左 鑑 新都人辛卯副榜

訓導郎汝瑛 南溪丙午舉人

典史周楷年 漢軍監生

把總羅茂林 雙流人

內江縣志 卷首

纂修

邑紳劉一衡 字環溪丁酉科舉人

談 熊 字滑甫丙午科舉人

採訪分校

蘇鳴喈 筠連教諭 鄒嶧賢 廩生

璜 廩生 李捷春 廩生

吳席珍 廩生 李 煌 增生

賴廷球 附生 談 勳 附生

嘉慶丁卯續修官紳

主修

知縣徐

豐

字約之浙江會稽人

同修

教諭李敦美

三台人

訓導孟肇英

邛州人

典史潘贊梧

廣東嘉應州人

纂修

邑紳王果

字六泉嘉慶壬戌進士

分纂

內江縣志

卷首

二

易含章

字靜菴嘉慶乙丑進士

鄒嶧賢

字淑軒嘉慶辛酉舉人

採訪分校

黃德仁

附生

張松齡

附生

王文炳

附生

鍾廷輔

貢生

吳錫蕃

廩生

侯建堂

附生

李化同

附生

周桓

附生

道光七年續修官紳

主修

知縣張元澧

字雪蕉安徽桐城人

弓翊清

河南鄭州人嘉慶己巳進士

宋廷楨

廣東花縣人嘉慶己巳進士

楊上容

湖南寧遠人道光壬午舉人

周樹棠

湖南長沙人道光壬午進士

曹堅

江西新建縣人

同修

教諭劉

种

華陽乾隆戊申科舉人

李懋寅

犍為嘉慶戊寅舉人

訓導許汝成

樂山嘉慶辛酉舉人

典史黃堃

直隸大興人

趙元

陝西西山人

內江縣志

卷之首

三

把總戴應魁

成都人

纂修

邑紳劉景叔

字溢江道光壬午科舉人

王丹

字雲阿道光壬午科副榜

張松齡

字喬峯歲貢選訓導

採訪分校

喻鴻梅

廩生

易含芳

廩生

潘夢臣

廩生

陳書一

廩生

熊白

廩生

羅湘

附生

郭繼光 增生

王世儻 貢生

咸豐十年續修官紳

主修

知縣許延祐

字受之廣西甲午舉人

婁秉奎

字星橋湖北江夏人

羅廷權

字鑑平雲南丙午舉人

同修

教諭施維楨

字心田簡州辛卯舉人

訓導周玉書

廣安州乙未舉人

典史范汝誠

字諱齋江蘇常熟監生

內江縣志

卷之首

四

把總劉天順

成都人

纂修

邑紳黃德仁

字樂山歲貢選訓導

王丹

字雲阿辛巳副榜

分校採訪

余敦詩

歲貢

黃鼎

附生

喻錫奎

廩生

康成之

附生

廖森

教諭

羅袞

監生

同治九年續修官紳

主修

知縣張兆蘭字仲薌貴州鎮遠監生

沈起駿江蘇監生

同修

教諭黃紹瀛簡州人己未副榜

訓導陳謹策字竹如華陽優貢

典史范汝誠

把總宋朝舉

纂修

內江縣志 卷之首

五

邑紳黃覺字謨菴甲辰恩科舉人

分校採訪

張翀附生

黃稷生廩生

蘇肇魁廩生

楊芬附生

光緒八年續修官紳

主修

知縣徐思温字即之浙江監生

趙煥字煥春江蘇監生

陸為棻字衡浦江蘇監生

同修 教諭黃禮中 字雨春蓬州庚午舉人

冉煜光 字次谷遂寧歲貢

訓導陳謹策 字竹如華陽優貢

典史方友賢 字樂伯安徽監生

把總袁福萃 字海山成都人

纂修

邑紳熊玉華 字海珊乙亥恩科舉人

易鴻昭 字舒文己卯科舉人

分纂

內江縣志 卷之首

曾國璋 字澤普癸酉科舉人

羅玠 字紫錫癸酉科選拔

分校採訪

張建寅 貢生 王治邦 附生 鄧煊 廩生

李家榮 恩貢 蘇肇魁 廩生 江鍾英 附生

李文典 附生 熊其光 附生 張宗載 附生

馬祥麟 附生 馬雲龍 增生 張慶祥 附生

尤其拔 附生 李芳暉 附生 謝錫鈺 附生

陳煊 附生